

懷 舊 集
焦 山 紀 遊 集



懷

舊

集

馮
舒
編

中
華
書
局

叢書集成初編

懷 舊 集（及其他一種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

懷舊集

此據滂喜齋叢書
本排印初編各叢
書僅有此本

懷舊集序

長樂馮舒己蒼撰

向秀追尋。髮好棟宇空存。陸機還計生平。凋零殆盡。乃知閱水成川。閱人成世。古今之通慨矣。子也爰自
卅齡。泊乎衰老。其間親承負劍。時聆先執之緒言。和揖乘車。馴視後生之可畏。四十年來。蓋顯顯無有忘
棄者。豈生初盛世。老際橫流。火饑崑山。嗟玉石之莫辨。桑生滄海。痛人琴之兩非。雖魯殿獨存。亦堯年道
改矣。循髮自念。顧影空潛。回首殘編。時留佳句。還抽腹笥。賸憶贈言。於是和淚舐墨。朝書瞑寫。凡得二十
四人。詩詞二百餘首。分爲上下兩卷。名曰懷舊集。并各題小傳。以見平生。其僅取維桑者。則以山川阻絕。
搜索無從。兼之鴻鯉參差。存亡未審。若夫鶴師裔自練川。鳳氏生從青社。則以松枝東指。已建育王之塏。
虞峯西邁。亦有真娘之墳。書合牽連。人同流寓。昔稱投漆。今匪濫觴。嗚呼人間何世。山陽之涕淒然。天道
寧論華表之歸已矣。所冀清風程程。未絕於微言。神理綿綿。不隨夫氣運云爾。順治丁亥上巳日。

懷舊集卷上

顧雲鴻五首

邵濂十首

何大成二十四首

徐濟忠十一首

魏浣初十九首

魏冲十首

徐錫祚九首

孫森二首

孫朝肅十五首

顧大武六首

郭際南曲于詞三首

顧雲鴻

君字朗仲。中應天鄉試。屢上春官不第。卒。君爲人清介特立。欲以名教是非自任。監司府縣吏多重之。君足跡不及假室。去城十八里有孫氏廢圃。曰藤溪。君得而樂之。居其中。教授生徒而已。少而讀書。以四兒周其身。堆書及棟。埋頭于中。劣得隙光映字。累月不出戶。五經三史略皆上口。顧負氣。友人妻爲勢家子所辱。君奮身渡海走千里。白之督學御史。必禡其青衿乃已。憶予童子時。就家塾。君過先府君。話竟日。見予讀左氏傳。指首簡爲言。先經起義。後經終事之說甚詳。予拱立不敢左右視。君歎曰。此子于讀書應得深解。善教之。無令庸人據師席也。是時君鬚髮已白。形骸肅然出物外。如在目矣。

昭君怨二首

一閉昭陽一十春。才瞻天表便胡塵。絲來錯道君王棄。過眼何曾屈一人。萬里金閨萬里心。黃沙漠漠雪山陰。胡兒盡向琵琶醉。不識絃中是漢音。

還山二首

早得滄洲趣。今償岐路辛。風塵清噩夢。天地乞閒身。白水徵新約。青山泥故人。此中堪自玉。吾始得吾真。柴門一以杜。勝事日相因。移竹聽初雨。披花逐故人。石苔依地古。樵語隔牆新。不省前年夢。勞勞易水濱。

卽事

山腰未雨雲先濕。湖面無風水自波。一覺虛齋人事少。重陰高樹晚涼多。

邵謙

君字茂齊。一字齊周。少以時文有聲黌序間。當世謂之名士。屢試南宮不第。抑鬱卒。年齒長于先府君。憶予年十五。從先府君觀縣令耿橘講學于虞山書院。甫入門。見君兩鬢婆娑。方倚門嚮其足。府君命予揖。予遂揖。君振手止之。有一少年謂君曰。吾爲邵先生得一佳夢。夢先生朱衣銀帶乘輿。後有諸生百許人。隨公後。意謂公已下第。當循年得歲貢爲教官也。旁聆失色。君獨怡然曰。此之謂善頌善禱。予方病。安得俟歲及而貢。且飽苜宿。令君輩隨行乎。一笑無忤。是時先府君已有榮木之感。歸而歎息。臨年卒。果不及貢也。指顧間已四十年。讀君詩。清曠玄澹。想見生平矣。

病中雜作

有來問疾者。疑我多憂煎。高文不見收。良農不逢年。五內相剝擊。肌肉傷羸羸。他人宜其爾。而我獨不然。吾心如虛空。吾身任諸緣。生死且一貫。得失何有焉。然則病何從。無乃賦質偏。不見蒲柳姿。望風先摧顛。

吾其委大化，取快性所便。庶無中道夭，聊以全吾天。

雨

終日雨如絲，連山芳草碧。庭際孤雲屯，遙村暮煙積。野渡行人稀，沙淨閒鷗立。寂寞想晤言，誰能破苔跡。

養病

造物藏吾拙，山林合養病。依雲攤枕席，過雨坐松蘿。自識三心淨，無妨八苦多。肅然方丈室，儼似老維摩。

鄰家植荷盆中，高出牆外，予于齋頭見之，戲題二首。

露珠濯濯曉光新，紅粉初施彩色勻。憔悴自憐非宋玉，東家何事亦窺臣。乍見牆頭如欲語，側身相近忽低回。可憐月白風清夜，遙望清芬酌一杯。

梳髮

髮白真堪惜，蕭蕭可奈何。西風吹病樹，殘葉苦無多。

官禁虎邱游客戲爲二絕

青山亦有官司管，游妓游人總不容。獨放生公臺上月，孤懸清影照寒鐘。空山雨過淨無埃，夜色澗鮮爽氣開。筵鼓不將清思澗，但教幽客抱琴來。

題畫

松風颼颼吹白石，竹枝蕭蕭支老骨。應知不似世間人，鬚眉亦作煙霞色。

今日是我日

今日是我日。曳杖隨所如。溪頭碧流淺。石上松陰虛。風來和行歌。雲過還相娛。僧廚飯脫粟。充腹已有餘。無月蚤歸來。有月且躊躇。

何大成

君字君立。晚自稱絃公。祖纘萬曆甲戌進士。宦不達。卒。君其孤孫也。以孤故。驕少。習舉子業。必設臯比。南面據案坐。夜爇兩巨燭。若官府治事者。所居去城七十里。曰何家市。市以君家得名。市有楊氏者。以財豪里中。不相下。里中兒固不悅楊矣。適楊之役夫死。夫固何僕也。黠者故爲謾言。激君。君怒。乃集市人。妮隊執械。往殘破其家。楊訟之。君不勝。走四千里。從陳參議禹謨。貴州參議適勦叛苗。君佐其軍有功。幾得官。而參議卒。不得志歸。君性仇急。善罵人。婦更奇妒。當啗。啗相搆時。旁人見其夫婦。若巍巍額出角然。然實無他腸。與予最善。得一書。必相通假。約日還。風雨不誤。爲詩多骯髒。其天性也。歲癸酉苦蝗。旱田不粒。而催科日急。君一日過里人家。持茗碗。上自宰輔監司。旁及邑中縉紳。無不罵。罵未已。忽顧其後曰。噫。然則我殆死乎。手碗墮地。仆所坐胡牀中而卒。無子。遺書散爲雲煙矣。

癸酉自壽

自笑自歌人不解。不夷不惠我真癡。鞭策今古渾芻狗。傲睨乾坤歎小兒。孤劍出纒還獨舞。生駒脫轡浪教騎。六句老我成何用。世遠黃虞有所思。

從村市夜歸

竹樹半搖落，遶溪星影乾。炊煙籠澹月，野燒映荒灘。驚犬吠還急，危橋步未安。應門無稚子，青燐出林端。

村晚幽居

夾岸篠如織，映門花滿灣。人幽見山靜，谿定覺魚閒。千卷眼仍在，一杯心自頑。斜陽無限好，植杖倚柴關。

同馮已蒼昆季入寒山抄玉臺新詠畢遂游天平

吾儕真書淫，餘事了游癖。既理支硎棹，旋放天平屐。自惟老腳硬，尙堪年少敵。登登及山椒，千步始一息。憑高一以眺，萬木靜如拭。湖光浩渺平，山容逶迤出。憶昨小宛堂，抄書忘日昃。手如蠶食桑，心似蠶營蜜。今朝始畢功，探奇何孔棘。蠅營滿天地，此樂無人得。游山擬爲樵，蒐書甘作賊。幸茲江南安，二事乃吾職。

次日蚤起別趙靈均從放鶴亭至觀音寺落舟

穩夢枯葉下，山月淨于水。夢旣繞空山，月亦低窗紙。主人帶月興，客亦拋夢起。篝燈坐嚴霜，還疑夢中視。濁酒數十杯，不辨醕與醢。迤里踏寒蕪，路滑石錯趾。忽過放鶴亭，馬跡尙爾爾。手持玉臺集，忽凍忘墮指。支公固高韻，狂興不及此。殿閣露微紅，于焉禮大士。再拜再爲祈，所祈非世祉。一願老腳健，日整登山齒。二願老眼明，博覽窮經史。假我二十年，日與二三子。抄書與游山，此樂可忘死。祈罷同歸舟，舟移山月徙。

經廢宅

蘿樹生梯瘦，枯池帶蘚平。燕巢欹畫棟，雞柵覆雕甍。牆粉兒童剝，庭基野老耕。白頭遺媼在，匡坐說平生。

園筍

園筍太無賴，強來穿曲廊。非緣避荆棘，應是畏風霜。伴我閒書卷，對君空肺腸。稍于牆腳礙，移築亦何妨。

秋夕

滿庭秋露滴疎桐，茅屋深深一盞紅。景到乍涼秋半後，人當垂老病餘中。無衣已覺風如箭，怕雨還欣月似弓。歸雁不知腸欲斷，一聲遙唳碧天空。

一室

一室足寒竹，小門流水通。墻圍太古色，雞犬上皇風。客或攜琴至，鳥時衝樹逢。此中聊復爾，天道任張弓。

寒雨

檐溜似人語，催愁攪夢魂。村雞啼不曙，野火燎仍昏。有病欺貧老，無家活子孫。明晨羞攪鏡，有雪入髭根。

過公邁弟墳，濱西之村居，喜其幽絕。

亂雲叢木蘸溪光，古屋蕭然葦岸藏。石獸有靈嘶敗冢，野花無主笑寒塘。槎崩羣獺迎霜活，月黑哀鴻帶

弟婦知書

憶周云治

老樹傍檐隙，古牆生畫陰。半衾棲別淚，一鴈攪離心。秋冷不禁夢，世衰空費吟。加餐應努力，此外任浮沉。

醉後偶題

鏢卻雙眉熨未開。愁心難向酒中灰。強尋新句發狂興。詩過少年狂不來。

辛未秋不成。過上真宮。滿路皆惡草。

寂寂高原刈穫稀。牛羊不下夕陽遲。花田雨後唯枯草。

晉鄉俱種木棉花。謂之花田。

菱角霜殘祇廢池。徵稅逼人飛火

票。縣屬四面盡火。謂之火票。

買荒無計借秋絲。

農家報荒于縣。不買不可得。

欲過古院排閒悶。滿眼荆榛更不支。

荒園

天桃穠李太匆匆。尙遲清陰百尺桐。門外草齊新漲綠。階前花落正翻紅。旋泥粉壁矜新句。乍卷疎簾待好風。此日衰翁有奇事。朝來酹酒祝牛宮。

山月

夜靜衆山黑。半痕生破扉。幽明通一點。情性與俱微。乍落松濤外。還歸煙嶺西。凭闌動鄉思。莫照禦寒衣。

打魚歌

冥濛細雨春如客。百計留春留不得。楊花撲面藕生錢。到處波紋鴨頭色。窮鄉有客艤扁舟。一笑能爲十日留。主人有酒無下物。發興拏楫乘春流。驚看一網舉雙鬣。錦鱗煜燿疑蛟蚪。猗猗撥刺迎人立。船頭跳擲船尾濕。搗薑研桂還助辛。直斫橫批看去乙。須臾雕碗琥珀紅。擎來片片生香風。甘鮮脆薄不勝口。倏忽放筯深盤空。主人舉杯爲客壽。今日不樂如此酒。郇公石尉豈不豪。借問此樂曾得否。吾家久住東海濱。維師尙父恒垂綸。明朝共釣玉璫去。尺甲寸鱗何足論。

贈白雲洞了禪師

破衲蒙頭病廢禪。萬緣多盡一機圓。朝曦任照空濛外。石窟潛開太古先。煤竈久荒糜飯火。椰瓢單貯淨瓶泉。下方鐘梵沈沈夜。惟有松濤攪坐眠。

題陳良甫大風歌碑本冊

潮上亭長真英雄。酒酣拔劍歌大風。三侯五伯傳樂府。憑誰寫留長樂宮。云出扶風曹喜手。壁窠大篆蛟龍走。十日坐臥枉費心。三月覃思亦何有。開君此冊歎不足。赤帝興亡一何速。孺子山陽竟何在。韓信彭王空赤族。嗚呼賢子不守守四方。趙堯豈是張子房。昨朝遺命託周昌。明晨催看人斃忙。

秋夜長

牀頭饑鼠嚼枯琴。擊擊戛戛傷客心。客心勞勞隔千里。家在吳頭楚之尾。煙波浩渺不可期。欲寄音書那得知。八月長江滿秋草。茫茫不辨沉湘道。芙蓉原是知命花。搖曳紛披爲誰好。江風江雨吹離魂。魂歸不歸如浮雲。浮雲冷泠化爲水。恍惚離聲來入耳。

抵夔州覓少陵草堂

成都草堂今若何。且向西瀼飽經過。亂山不斷煙雨色。匹馬時聽巴渝歌。峽中長年布颿穩。驛路官長油衣多。吳趨老人真好事。貪訪遺跡空蹉跎。

樓山關箚

簪密疑藏虎。天低轉礙山。有猿禁客淚。是石舞煙鬟。千古沈蠻徼。何年闢漢關。平生經險患。汗漫不思還。黔歸憶上眞。院月窗玉丹。二羽士并示其弟子。

踏遍三湖五嶺春。歸來還賸一閒身。舍旁亦有無塵地。竹籊松枯換主人。

初冬過上眞院。邂逅故交。向晚惜別。

廢院少來客。寒林每獨尋。老紅棲殿角。殘碧上牆陰。忽謾逢如玉。遙驚舊斷金。流連殊未已。白日恨西沈。

徐濟忠

師字良夫。又曰子公。性孝友。喜讀書。家貧無墳籍。每與人通假。當師時世。尙王李學。非先秦漢魏不道。師旁窺遠探。獨得大厯已還。宋元諸家風旨。有詩一百首。名綴閒集。予爲序而刻之。父千之。與先府君善。齒亦鴈行。故予少年從師游。雖師弟也。而抵掌厭厭若友。嘗謂予曰。吾生平五行當不得科第。然有三願。若可就。我志畢矣。其一欲得田三十畝。使盡有餘粒。不藉教授生徒以給。其一願得經史及諸子集數十家。人所恒讀書。不俟他假。其一願得一細褐。作衣禦寒。子時劇笑不已。迺竟不遂。僅得一褐。纍甚也。嗚呼悲哉。師歿時。其孫數歲。亦暴亡。踰日而活曰。吾見有逆翁者。旌旗輿從甚衆。吾從翁往。至水濱。入巨艘。侍從俱青衫辟易。翁衣朱衣。帶金帶。據臯比南而坐。謂我曰。翁生平讀書寡效。今往生浙中富人家。十八登第。二十八成進士。且一字不識也。歸語汝家士爲祟。故家人病。當醮以夜。吾當一歸視。此後絕矣。祭享無益也。願從者拔登岸。舟遽發。聞礮聲遂甦。家人如師言。醮時若有影响云。師次子名守質。字子野。乙酉北兵

至子野戀其母不肯避遂死于孝別有紀

碧戶二十八韻

碧戶飛輕絮清波湧弱燕隔街鶯語滑遙閣燕泥濛惆悵無緣近徘徊有徑通相要青玉案許達蕊珠宮
屈膝金屏合同心錦炬籠香濃迷處所廊盡出房櫺始覺薰蘭氣還投綺繡中須臾雲杏齒良久佩琤琮
怯怯嬌羞劇珊珊步履工頃時來荏苒一見意怔忡覲面驚披霧迴腰婉似鴻稍疑珠串重生怕粉酥融
占袖低支髻傳杯半斂躬鴛鴦方下牒霞玉遂成叢祕戲宜長夜深盟指素衷從茲雲墮月無閒雨兼風
婀娜勾欄下流連曲檻東相憐多宛轉觸處鬪玲瓏舐筆初師衛分牋和惱公短歌時按拍長袖忽飛空
鼓辨颿回節絃知颿後桐神針應似薛記曲擬名紅子既才多甚予慚志若蒙雖非比翼鳥願作叩頭蟲
仙種真難問駢肩底是濃生依舊類倩死殉或如馮綠鬢爭才貌烏絲誓始終牽連情不已愁化美人虹

經秋

日色經秋白天色經秋碧木葉啼風似雨聲絮絮蘆花疑柳陌已是時光易斷腸何勞鴈陣一行行蓮房
已墜芙蓉死叫殺無情月夜霜

聽吳澹如歌

避暑當清夜邀歌宴上才美人殊自愛坐客敢頻催發口芳蘭襲滿天涼露來簫聲追不得餘韻月徘徊
六月一日望天尺軒作

豫章猶自覆叢叢。蒼翠高翻白日風。十二年前斯夕裏。兩三人話此軒中。當時急難情何極。誰道死生今不同。涕淚已枯惆悵在。賺人天道說張弓。

張慎其畜得白鸚鵡。向往往見之。今來已亡矣。

樽前見慣雪衣娘。鶴氅花冠下道場。新授蜜多臨鏡語。啄殘玉粒出籠香。夢回千里隴山月。舞散一團江夏霜。應向海潮音裏住。白蓮冉冉水茫茫。

九月留客

年來種種帽難遮。慣被風欺笑孟嘉。幸有白衣曾送酒。近看黃菊欲開花。上簾稻蟹從伊捉。就釣鱸魚不用賒。情語留連遲月影。只如風雨阻歸家。

重展讀過書

老年卻讀少年書。勿道生新趣不如。鄉曲故人談舊事。點頭重憶勝當初。

馮瀛王

舉世談是非。莫辨白與黑。舉世談忠義。莫辨主與賊。君位似傳舍。臣心似遺跡。中原無定主。吾生亦何職。譬彼行腳僧。沿門以乞食。稍爲說因果。聊以破愚惑。

偶書二首

仲容步兵廚。元亮彭澤粟。昔人秉嘉尚。終然殉嗜欲。伊予未絕粒。兩甌已歷足。伊予未止酒。一合便了。

饕餮自隳涯。驢鼠易滿腹。天尙不從人。樂饑以爲福。
幽窗苦不適。循事念生平。不恨不富貴。但恨多此身。墮地有親屬。歷世多變更。苟非土與木。冤親亦已明。
如何盡銷釋。恐亦非性情。屈己類可忍。負人良自驚。

臥病感友人見過之作

不才幸未落人間。中歲支離久自頑。九死只憑妄想活。百忙贏得病時閒。聲移石鼎忘喧寂。雲對胡牀見
往還。鰲角巾知何處挂。故人慚愧款柴關。

魏浣初

君字仲雪。中萬厯丙辰進士。歷官廣東提學參政。卒于官。君清隘自好。爲諸生。布衣芒屨。不知戶外。教授
自給。比成進士。謹飭守禮。惟恐鄉之人不以賢士大夫目之。少爲詩。喜袁中郎。尤愛湯養仍。予竊笑之。君
因自秘。不以示予。每謂人曰。若家詩法與我異。愧不得當也。晚而讀白傅集。如贈叔子五十韻詩。頗得其
意。

溪上

衡從無十笏。在澗亦稱寬。凍合鄰西澗。晴分郭北巒。嚙沙重壘石。敗援更施闌。只此貪幽事。勞勞過歲寒。
不如還獨坐。擬白。

新詠從今歇。陳篇莫更刪。縱饒凌餽謝。曾不救饑寒。驅使愁花鳥。雕鐫苦肺肝。不如還獨坐。枯伴蠹魚殘。